

**KRATAK OPIS PROJEKTA**  
**(INFORMACIJA O NAMJERI PROVEDBE PROJEKTA)**

<b>NAZIV PROJEKTA</b>	Urgentni centar i višespratna garaža
<b>PREDLAGATELJ PROJEKTA</b>	Javna zdravstvena ustanova Univerzitetski klinički centar Tuzla
<b>PROJEKтни KOORDINATOR</b> (Ime i prezime, adresa, kontakt telefon i email)	Javna zdravstvena ustanova Univerzitetski klinički centar Tuzla 035 303-444 azra.nurkanovic@ukctuzla.ba
<b>SVRHA I CILJ PROJEKTA</b>	<p>Rješavanje problema organizacije pružanja hitne medicinske pomoći u stanju kada su pacijentu ugroženi život ili zdravlje, na način da se obezbijedi prostor u kojem bi pružanje svih zdravstvenih usluga, koje zahtjeva zbrinjavanje hitnih stanja u medicini, bilo organizirano na jednoj lokaciji. To će u značajnoj mjeri unaprijediti kvalitet i efikasnost u pružanju ove vrste usluga. Pored toga, projektom će se riješiti i problem magacinskog prostora za skladištenje lijekova i medicinskih sredstava u Bolničkoj apoteci, te značajno proširiti prostorni kapaciteti koji se koriste za pružanje ambulantnih usluga. Projektom je predviđen i prostor za restoran adekvatan za osoblje UKC-a Tuzla i druge osobe.</p> <p>Izgradnjom višespratne garaže, riješio bi se dugogodišnji problem ograničenih kapaciteta za parkiranje vozila, kako osoblja, tako i pacijenata ili pratioca pacijenta, što bi u velikoj mjeri rasteretilo saobraćaj u mirovanju i saobraćaj u kretanju u krugu UKC-a Tuzla.</p>
<b>OPIS POSTOJEĆEG STANJA PREDMETNE JAVNE USLUGE</b>	<p>Urgentni centar ili hitni prijem su nazivi koji se koriste za bolnice, zdravstvene ustanove ili njen dio specijaliziran za primarno liječenje pacijenata sa širokim spektrom bolesti i ozljeda, od kojih su većina u pravilu opasne po život.</p> <p>UKC Tuzla nema urgentni centar u kojem bi, na jednoj lokaciji, bilo moguće pružiti sve usluge neophodne medicinsku pomoć pacijentima u stanjima koja zahtijevaju hitno zbrinjavanje.</p> <p>Trenutno, pacijenti u toku zbrinjavanja budu premješteni na nekoliko organizacionih jedinica, unutar UKC-a, gdje im se pružaju različite dijagnostičke i terapijske zdravstvene usluge, što, obzirom na prirodu stanja u kojem se nalaze, nije prihvatljivo, odnosno gubi se puno vremena, a vrlo često, dragocjenog. UKC Tuzla raspolaže sa stručnim i educiranim kadrom, kao i dijelom medicinske opreme, ali nema obezbjeđen prostor u kojem bi se organizirali svi poslovi zbrinjavanja urgentnih stanja. Pored navedenog, UKC Tuzla ima manjak prostora, neophodnog za adekvatno skladištenje lijekova i</p>

	<p>medicinskih sredstava u Bolničkoj apoteci, te se često dešava da se ista čuvaju u hodnicima objekata, toplim vezama između objekata i na drugim neprimjernim mjestima.</p> <p>Pored navedenog, UKC-u Tuzla nedostaju prostorni kapaciteti za pružanje ambulantnih, konsultativno- specijalističkih usluga u takozvanom objektu „Gradina“, što onemogućava optimalnu organizaciju procesa rada, dovodi do stvaranja velikih gužvi, prolongiranja pružanja usluga, a samim tim i do nezadovoljstva pacijenata. Unutar kruga UKC-a Tuzla ne postoji adekvatno mjesto za ishranu osoblja i drugih osoba. Osoblje UKC-a Tuzla trenutno uglavnom naručuje hranu od restorana ili objekata brze prehrane koji nude uslugu dostave hrane na adresu, a obroke često konzumira u radnim ili drugim neadekvatnim prostorima, ili izvan objekata.</p> <p>Također, obzirom na ograničen broj parking mjesta s jedne i svakodnevni veliki protok vozila u krugu UKC-a Tuzla sa druge strane, trenutno postoji problem parkiranja i odvijanja saobraćaja, kojeg nisu pošteđeni niti pacijenti, niti osobe koje dolaze u posjetu pacijentima, niti osoblje UKC-a Tuzla.</p>
<p><b>OPIS OČEKIVANOG STANJA PREDMETNE JAVNE USLUGE</b></p>	<p>Izgradnjom i opremanjem Urgentnog centra bilo bi omogućeno značajno kvalitetnije i efikasnije pružanje zdravstvenih usluga zbrinjavanja pacijenata u urgentnim stanjima, jer bi iste bile pružane na jednoj lokaciji i to odmah po prijemu pacijenta, bez nepotrebnog gubljenja vremena i premještanja pacijenta na druge lokacije. Urgentni centar bi bio opremljen odgovarajućom medicinskom opremom u skladu sa propisanim standardima. Bolnička apoteka bi imala adekvatan prostor za propisno skladištenje rezervi lijekova i medicinskog potrošnog materijala.</p> <p>Ambulante za konsultativno specijalističku djelatnost, koje se nalaze u objektu „Gradina“ bi imale adekvatan prostor za rad, kao i čekaonice primjerene za pacijente i pratnju. Na taj način bi se uveo red, smanjile gužve po hodnicima a rad u ambulancama bi bio podignut na veći nivo.</p> <p>Otvaranjem restorana u krugu UKC-a Tuzla osigurali bi se uslovi za ishranu osoblja, kako u smislu pripremanja hrane, tako i u smislu postojanja adekvatnog mjesta za konzumiranje obroka. Naravno, usluge tog restorana bi mogle koristiti i druge osobe, poput posjete, gostiju, ali i pacijenata kojima to dozvoljava njihovo zdravstveno stanje.</p> <p>Izgradnjom višespratne garaže riješio bi se problem parkiranja vozila osoblja, pacijenata i posjete, te bi se izbjegle nepotrebne gužve i značajno rasteretio saobraćaj u mirovanju i saobraćaj u kretanju u krugu UKC-a Tuzla.</p>

<b>OČEKIVANI JPP MODEL</b>	Osnovni model
<b>OČEKIVANO TRAJANJE UGOVORA</b>	Preko 15 godina
<b>PROCIJENJENA UKUPNA VRIJEDNOST PROJEKTA</b>	Preko 15 miliona konvertabilnih maraka
<b>STATUS PRIJEDLOGA PROJEKTA</b>	Djelimično pripremljen projektni prijedlog
<b>OMOGUĆENA PRIMJENA ČLANA 18a ZAKONA O JPP</b>	Da
<b>OČEKIVANI DATUM OBJAVE JAVNOG POZIVA ZA ODABIR PRIVATNOG PARTNERA</b>	Kraj 2023. godine